

歸

樸

齋

詩

鈔

伯氏吉剛先生往年嘗爲詠史四言詩數十百首紀游擬古友朋詠唱爲五言古詩三百餘首藏之篋衍闕不示人同治己巳孟夏奉先妣歐陽侯太夫人板輿發金陵就保定節署行次清河副舟不戒於火兄之詩文襍草所著小學訓詁聲韻諸書稿本及手授子史如干部皆蕩爲煨燼獨近體數十首詩冊存紀鴻處得全兄爾後遂不甚作古詩嘗云古質而今妍妍則易成質者難好吾爲其易者聊以頤性自娛而已再毀棄之亦所不惜篇成漫不省記蓋散佚又不少矣余不甚爲詩而伯氏以爲可與言詩時時出手草相示余則錄而存之辛未以前經先太傅批閱圈識者鈔爲上卷壬申以後諸作附次焉兄闕博淵雅

捷敏兼人故視近體爲易自余觀之飄逸絕俗則秉之天資精
湛入古則由於續學殆非率爾操觚者所能躡而及也舊所失
四五古詩宜爲甲乙丙丁集今之編錄署爲戊集後此當賡續
而輯之光緒丁丑孟冬曾紀鴻識

歸樸齋詩集目錄

戊集上卷

寄李眉生徐州

景桓樓題壁

不雨

七月七日喜雨

中秋寄李申夫

寄李眉生

壽九叔父威毅伯

送四妹歸郭氏呈筠仙丈二首

寄吳竹莊

題張鑄庵邑侯樹萱種竹圖小像

新居二首

從弟紀湘成胥卽席戲占二首

次韻郭伯琛丈由粵東假歸述懷畱別詩四首

山居春日晨起二首

送從弟紀渠之鄂

清明

銅梁山

昭忠祠

苦雨歎三首

灰

東劉伯固

呈外舅劉霞仙先生

七月八日作

雨

懷人三首

丁卯仲秋送諸弟省城應鄉試寓黃氏宛園外舅劉霞仙先生撫秦罷歸同宴園中約賓主各獻所能於是黃子壽與弟縱飲郭樗叟作草書霞文與紀澤各賦詩也

詩集卷之二

侍霞仙丈池上夜話

題尹金陽蒼茫獨立圖

九日偕栗誠登鶴鳴山時余方病溼瘡而弟下第

十月朔日咏桂

病中口號

上外王父歐陽福田先生外王母邱太宜人四首

次韻黃少崑重陽展重陽二首兼呈王逸梧楊朋海逸梧
朋海既和少崑詩續賦三十餘篇皆用其韻至於十八
疊而不休可謂勤矣舟次夜靜聊一効之往者友人語
我文字自隨唐而下無復足觀既篤信其說於近體詩

歌不甚措意朋儕投贈絕不屬和甚矣其惑也夫質文
遷變繁簡異宜工拙之際不關形似何須貌爲詰屈以
示奇古強事纖靡自矜華富韓文杜詩其美者乃與六
經同工何可忽也東坡山谷放翁諸公偉才逸趣亦自
不可磨廢概從菲薄殆非篤論書余所悔以質同人詩
意亦微及之

十月十五夜過洞庭

過武昌小住

火輪船

銀鑾赤

登樓

題陳杏生小像

贈五崧生

遊秦淮河次崧生登黃鶴樓詩韻

七月七日遊元武湖荷華尙多望日重至凋謝盡矣賦呈
同遊諸君廉昉苦多睡前後遊皆不與并以調之

東坡生日二首

吳竹莊方伯入京 陞見過保定小住紀澤奉 大人命

考廬引見與竹莊偕行道呈二律

贈許仙屏

以所著說文重文本部攷示仙屏

登景州開福寺塔贈僧玉安

僧故軍官

九日喜張廉卿至

大人巡閱蘇滻紀澤未得隨侍作雙聲詩贈曹鏡初比部
送劉康侯南歸兼示伯固

讀外舅劉霞仙先生尺牘有感

歸樸齋詩鈔戊集中

湘鄉曾紀澤勤剛著

寄李眉生徐州

我發彭城二月朔遷延不發與君期期君不至行相左茲會無
緣後豈知離合貞如盤永走歡愁等是隙駒馳何當更試君房
墨爲寫寒山峭石詩

先太傅批云歡愁句佳

民隱軍儲萬緒棼江淮千里况塵氛風聲鶴唳時聞警雲起龍
龐共策動間作詩歌酬壯士怪無消息慰離羣懸知憑眺黃樓
上不乏飛鴻向楚雲

先太傅批云有詞采

景桓樓題壁

小園紆曲繞山頭江岸風光一閣收戈馬十年猶浩劫尊鱸千里又清秋新芟惡竹千竿盡獨立高梧百尺遁洞闢北窗勤眺望白雲深處是中州

不雨

愁霖颯杳乾坤晦酷暑惔焚號令偏紅日十輪金躍冶丹霞千里火燒天更無疎雨隨風落坐看時花帶葉嫣聞道昔鄉上腴地常平石米六緡錢

七月七日喜雨

百道原泉廢不流大田無復翠盈疇九天宣詔誅炎魃四面同
雲起臥蛇積熱釀成三寸雨新涼贏得一分秋怡情各有胸中
事我與勞農兩醉謳

中秋寄李申夫

鶴樓粗復舊簷楹佳節無由對舉觥楓荻愁人秋氣老江湖異
地月華明六朝煙水茫無際三變滄桑漠不驚夷酒待君君未
至扁舟吾亦問歸程

寄李眉生

花梨書架紫檀牀福慧雙脩膀畫堂夫婿高華蘇玉局仙娥清
婉杜蘭香頗聞吉語傳鴻雁可有新雛似鳳皇世事白雲蒼狗

變養成英物貢天闕

壽九叔父威毅伯

衡嶽峨峨九面開扶輿靈氣鬱胚胎瑞霞明麗長相護壽骨嶙峋不可讚伯仲東征崇五等丙丁南極對三台非關子姓私稱頌偉績仁聲已入垓

長江東北大河南中有萑蒲久未戡介壽金尊陳凱樂防秋鐵騎整歸驂福田暖有煙生玉氣海溫無雪上寥寥業日隆懷益澹湛然明月印千潭

先太傅批云二首工整

送四妹歸郭氏呈筠仙丈二首

夜半天東起瑞霞笙鐘環繞七香車穿林戢戢竹初筍照眼紛紛梅自花室攬眾山來戶牖田畱數頃課桑麻借斟卮酒酬吾妹慶汝子歸積善家

劉公兩鬢早成霜德業與公誠雁行縞紵幾家相許與關山萬里各行藏鳴鳩乳燕春將及風虎雲龍事未央頤性林泉真早計東山何以慰民望

先太傅批云次首情韻俱勝

寄吳竹莊

丙寅仲冬歸家作

男兒三十解驚秋鐘鼎山林兩未謀炙裸雕龍畱笑語尻輪神馬得歸休關心世事今滄海屈指友生君白頭江上往來舟似

織邀誰爛醉閣飄樓

先太傅批云藻采甚佳

題張鑄庵邑侯樹萱種竹圖小像

契闊時多會合難展圖一笑接餘歡靈萱也應八千歲新竹正
宜三萬竿偶著黃冠披野服曾憑赤手障狂瀾玉皇香案當年
吏長嘯猶能集鳳鸞

先太傅批云尙無俗句然題圖詩總宜少作

新居二首

朝遊塵市暮林泉碧水紅塵都有緣但得琴書常供養不嫌車
馬日喧闐埽牀小睡清無夢拂几凝思靜欲仙會買竹秧三百

本春來爲種北窗前

酸鹹嗜好誰能無種菜養魚聊自娛小葉菖蒲舒鳳尾脩莖粉
籜長龍雜室依空谷吟成響池有流泉旱不枯世變滄桑馳聖
哲天生邱壑置羸鷺

先太傅批云胸襟灑落一氣卷舒

從弟紀湘成昏卽席戲占二首

天際彤雲擁翠微綠紅梅萼照裳衣青鸞遠翥三星轉絳蠟初
明百兩歸萬古豪情生璣萼羣英妙舌騁珠璣莫吟柳絮因風
句且爲郎君一解圍

先太傅批云萬古句佳對語不稱

阿連淵默以詩鳴銅鉢頻催句未成鬪捷不辭三北罰選詞時
有二南聲筵前螺蓋傾桑落天上蟾輪茁桂英酒醉月明歌再
發爲君更奏白華笙

先太傅批云此首工穩

次韻郭伯琛丈由粵東假歸述懷留別詩四首

獨運蟠胸十萬兵建牙吹角五羊城三年威惠孚殊俗一代文
章副盛名南徼征塵頭早白西風歸棹月初明縱橫萬象渾無
繫卓犖觀書二尺檠

古來勳業出清流玉尺空橫是隱憂自有羣賢稱楚寶更無速
化似齊謳從知屠狗能爲將行見爛羊虛得侯此意公嘗三歎

息長篇封入致書郵

卅年老友鶴鳴陰秦粵相望繁就森有叟挂冠仍鞅掌羨公投
紱已山林頻年金鼓猶雷震 聖代恩波似海深近日元侯讓
開府何當俯順老臣心

一切成灰百萬家桑田東海尙無涯不聞青玉可爲案但見黃
臺方摘瓜幽谷三春賡伐木洞庭八月泛流槎鍵門三復廉頗
傳懷古長歌白露葭

先太傅批云四首格老而氣昌

山居春日晨起二首

銅梁東嶺三千仞桃樹西岡千仞強陋室枕山殊不惡低田蓄

水莫愁荒連林雨過
栟櫚綠小苑春深
蛱蝶黃舍北老人無一事
繞塍相與久徜徉

先太傅批云起句意趣奇拙頗似山谷

巒障周迴一徑幽平田百畝近先疇自饒野屋成天趣長與鄰農作勝遊密樹晨晴方噪雀小溪春漲劣容舟夷然咏嘯今忘我那復關心到九州

先太傅批云收句逸

送從弟紀渠之鄂

荆吳異地建高牙伯仲勳名四裔誇與爾簪纓承世族相期韋布守儒家長風子欲凌霄漢鍑鐵吾真愧鎔鉤林藪市朝今異

趣束身圭璧總無瑕

舉杯豪飲興方賒擊劍高歌樂未涯
大地干戈長擾攘少年芒角自枚枚
神禽豈復甘籬落天馬終能奮渥注
我似閒雲時出岫逢君一醉釣魚槎

先太傅批次首云神頗俊

清明

和風有信隨花發細雨無聲帶霧霏約共弟兄脩禊去行逢鄰里埽墳歸山蟬夾道鳴相續白鷺滿田閑不飛野草幽葩誰是主無人兀自騁芳菲

銅梁山

連山壁立瓦銅梁屏障縈迴百里長隔樹羣峯排鳥翅插天蹬
道詘羊腸春深野草香無際泉近高田旱不荒浩蕩晴空雲霧
盡忽看衡嶽出蒼茫

昭忠祠

沙場征戰古來悲十載升沈一瞬時 縱綺九重黃紙詔春秋
二祀白門祠生無燕領膺高爵死博龜趺戴 御碑磨狗建牙
廟有等河山廟貌共雄奇

苦雨歎三首

六十年前丁卯歲禾苗旱死吁無遺每聞父老占農事常恐凶
荒似昔時蒼昊降災甯有例愁霖經月亦難支可憐舍北秧青

處昨日化爲三頃陂

先太傅批云杜公撥閱十二月一日寄常徵君示猿奴峽中覽物呈吳郎立春等篇律詩之專以筋勝者黃魯直虞伯生每學之此亦略師其意然畫虎不成或恐類犬此種不宜多作陸公學杜多學其悲壯及閒適二種最得眞詮

舍南淺井是貞泉足溉山根十畝田似有蛟龍宣溼氣頗嫌蛙鼴出庭前舉頭雲霧低如壓滿眼莓苔百不鮮苦憶城西吳訓導可堪鎮日長酣眼

中原困獸猶能翻喪我雄兵千許人小隊未成鵝鶴陣將軍已遘水雷屯連年薪米同珠桂數道烽煙劇楚秦世事定知何日

好鍵門一醉動兼句

灰

三更絳蠟獨凝思
九陌紅塵靜不知
玉琯陽回吹律日
金鑪香
火換薰時劫殘聊問
東方朔心逸真同
南郭綦底事
儒生錢若水偏逢

偏逢火筋畫微詞
先太傅批云似義山

東劉伯固

吾生羸弱似孩童
世亂常思塞門聰
誰謂舍南纔百里
昨來夜半刈三雄
捷書到我神先王
義膽如君眾所崇
似有蟲沙未全淨
追奔莫惜雪花聰

烽煙絡繹十餘載荆棘縱橫六百城昔定東南豺虎患端資山澤龍蛇兵賣刀買犧猶無賴袒臂刑牲相與盟正恐蕭牆憂未已暫時高枕壓虛驚

劉甥勇決吾能知

附雅裏之弟爲甥

倉卒折衝人乃奇經術何曾在章

句將門行復見旌麾中原桑海良多變南楚英豪方未涯笑我儒冠百無用歡狂一唱紀功詩

先太傅批次首云氣勢驅邁

呈外舅劉霞仙先生

超超塵鳳出蒼冥藉藉聲華徹
帝廷三峽新軍喧鼓角五年
巍績著丹青人間謗議南箕口
天上輝光北斗星春水白雲歸

去好心閒久已忘鐘銘

洞庭春漲走蛟龍雨過蒲帆趁好風小艇近維楊柳岸故園重見蕙蘭叢半生寵辱身何預七字詩歌暇益工我自狂吟漫無律深慚李漢侍韓公

七月八日作

昨宵瓜果供牽牛乍轉涼飆萬物秋夜靜偶聞鳴絡緯露寒先欲撼梧楸低田水過沙如雪對嶺風高稻滿疇畝稅莫援豐歲例今年纔得七分收

雨

腐儒從事力田科晴雨關心入醉哦中伏時陽暄早稻初秋甘

澤沛渥禾家承韋布貧無累吏得龔黃政不苛卻輓轎車問天
使京畿苦旱近如何

懷人三首

高士襟懷豪俠骨英奇自與人殊科雄軍百戰江淮餘事兼
長書畫歌壞塔風雷搖鐵馬頽垣荆棘露銅駝酒酣觴景淚橫
臚老有餘鋒曜太阿

大辯雄談駭天下江河一決數千言從知雋諭難爲賞俯視羣
流蓋自尊曾任禮官陳俎豆出參戎幕走乾坤十年嗜好消磨
盡尙愛花駢屬錦鞬

先太傅批云二首風格似黃山谷有票姚飛動之氣故可喜

眼前吾見風流伯西蜀李侯誰比倫字尙側鋒能絕俗詩非險
語卻驚人冰壺朗照無藏影玉樹高標不染塵聞道爲官苦羈
束觥籌儻作舊時春

先太傅批云收句好

丁卯仲秋送諸弟省城應鄉試寓黃氏宛園外舅劉霞仙
先生撫秦罷歸同宴園中約賓主各獻所能於是黃子
壽與弟縱飲郭樗叟作草書霞丈與紀澤各賦詩也

龍門千仞起潛虬赤火烏雲擁迅流各奮鱗而騰紫極坐興風
雨轉清秋紛繁無盡花經眼亢鬪何堪屋打頭送汝蓬壺吾去
也一船煙水逐輕鷗

竹舞柳搖荷未殘宛園秋色已千端忽聞奇句嘯龍虎起作草
書翔鳳鸞得失豈慚籌筆驛乘除姑付算珠盤黃雲四野饒新
秋且酌香醅一盡歡

先太傅批云二首頗得古人間適之趣

侍霞仙丈池上夜話

萬里塵沙一嘯空摩天黃鵠謝樊籠指揮泉水添新沼檢點歌
吟綴舊箏宵影射眸花映月秋聲盈耳竹生風幾年旋斡乾坤
事付與時人代計功

先太傅批宵影一聯云佳句似放翁

題尹金陽蒼茫獨立圖

尹子丹青與化俱眾生指下判榮枯近當樓散亡聊日自寫蒼
茫獨立圖大海波濤揭地起高秋雲霧漫天鋪舉頭四望渾無
物夢想人間顧與吳

先太傅批云傲岸不羣

九日偕栗誠登鶴鳴山時余方病溼瘡而弟下第

好山葱蒨日當門峯嶂玲瓏草樹繁秋雨重陽尋石窟天風萬
里盪雲根固知阮藉工長嘯豈有劉蕡悔直言六鑿相忘千慮
靜不嫌斑駁起鱗痕

先太傅批云意興色澤俱近東坡

十月朔日咏桂

何年移植自瀛洲
慣閱風霜送晚秋
密葉當窗翠玉片
繁英照眼黃金毬
已令殘菊讓三徑
坐見老梅輸一籌
無盡光華須內斂
休同百草競春愁

先太傅批云胸次恬適胎息甚高

病中口號

病中嗔想擾天君
養氣無功百慮棼
虛室晝陰憎過鼠
深山秋盡苦多蚊
試方難信三年艾
忌飲偏懷一甕雲
卻怪徐州羸觀察
能麾白羽定千軍

上外王父歐陽福田先生外王母邱太宜人四首

湘川明媚二千里
衡嶽神奇七二峯
西極一峯名鳥鶴
東隅萬

綠捧芙蓉扶輿靈氣鍾明德翼鑠高年轉壯容雪鬢霜鬚成韻
事重吟郤扇譜笙鐘

合匏昏悅燭生煙梁孟風流六十年楓陛初承 天子詔蓬山
今見地行仙全家道氣濃如醴後輩文心湧似泉子賦菁莪孫
泮水曾孫解誦闕宮篇

廿年京國仰魚肝芝誥曾封一品尊歸祝雙親千萬壽復膺三
命 九重恩簪纓仍藉家聲重韋布無忘世業存投老尙聆衿
悅誠天將奇福賜清門

國老從來入上庠重遊泮水亦輝煌耄年不懈勤鉛槧大隱甯
須釣玉璜嶺上寒梅開百樹筵前朋酒瀉千觴鴛鴦七二人爭

羨況是神州老鳳皇

先太傅批云重諧花燭題頗俗詩中卻無俗句

次韻黃少崑重陽展重陽二首兼呈王逸梧楊朋海逸梧

朋海既和少崑詩續賦三十餘篇皆用其韻至於十八

疊而不休可謂勤矣舟次夜靜嘲一効之往者友人語

我文字自隨唐而下無復足觀旣篤信其說於近體詩

歌不甚措意朋儕投贈絕不屬和甚矣其惑也夫質文

遷變繁簡異宜工岫之際不鬪形似何須貌爲詰屈以

示奇古強事纖靡自矜華富韓文杜詩其美者乃與六

經同工何可忽也東坡山谷放翁諸公偉才逸趣亦自

不可磨廢概從菲薄殆非篤論書余所悔以質同人詩意亦微及之

牒訴軍書流水盡案頭詩草積成山將軍愛客真如渴文士相逢例不閒羨汝屠牛無頓刃笑余窺豹得新斑驛艘緣耳都摩壘策蹇何妨一叩闕

當年作賦擬靈光眼底無人錐處囊漸覺望洋因向若始知卻曲本迷陽霜餘草樹生機在日暮江天秋興長邂逅王楊真畏友各翻笳拍譜伊涼

先太傅批云筆能宛轉盡意亦與東坡爲近

十月十五夜過洞庭

良天夜靜蛟龍睡悄度重湖輕艤鳴戍卒微巡吹畫角榜人報
賽擊銅鉦月明照水雙輪滿風定無波一鏡平檣櫓縱橫名利
客忘機吾與白鷗盟

過武昌小住

先皇癸丑暮春初發朝京畿奉板輿此地空城餘燹火逢人羽
檄走軍書重經江漢雙流水歷覽英賢百戰墟中夜笙歌喧九
市荆榛瓦礫豈余除

先太傅批云流利可喜

火輪船

溼霧濃煙障碧空奔鯨破浪不乘風萬鈞金鐵雙輪裏千里江

山一瞬中島嶼羈氓成僕隸梯航奇局闢鴻濛中原指顧殲羣盜藉汝揚聲東海東

先太傅批云有軒昂跌宕之致

銀鬢赤

李侯愛馬得英物
焚焰霞光照眼紅
三尺銀鬢每自喜
十年鐵骨猶能雄
世無伯樂識千里
天與使君畱一聰
聞道渥洼龍種少
近時不貢新豐宮

登樓

深嚴祕署埋頭坐
暮上重樓忽眼明
歸馬各尋官道去
寒鶴爭度女牆鳴
畦中新菜何時綠
城外青山入望平
小園雙池一池

滿桔槔聲罷水初清

題陳杏生小像

憶昔孩童走帝京我纔兩歲君三齡中間離合盤流永此日
遭逢髮有星四海橫波平復起七閩征轡影隨形於今始畫歸
休室紅杏開花苦竹青

贈五崧生

昔時居近紫微宮絳蠟寒氳相過從十五年來更萬變三千里
外喜重逢江南水石多名勝亂後樓臺祇舊蹤百頃荷花後湖
裏借君斗酒一從容

遊秦淮河次崧生登黃鶴樓詩韻

中原戈馬天教靖 北極朝廷道再昌
十里秦淮迴月舫 百星鑑火照霞觴
初聞雁侶鳴天際 更送鶴行侍 帝傍瑟瑟西風
雙槳急叩舷 長嘯共清狂

七月七日遊元武湖荷華尙多望日重至凋謝盡矣賦呈
同遊諸君廉防苦多睡前後遊皆不與并以調之

舞閣歌堂一炬空長蛇封豕十年雄揚塵東海時三變洗甲南
都日再中小艇獨凌千頃碧殘荷猶見萬花紅西風幾夜催零
落百億蓮房餉醉翁

先太傅批揚塵一聯云句法跌宕

山頭旭日照君榻天末涼風吹我襟閏歲入秋無酷暑晴雲當

畫結層陰東闢古渡名桃葉南國羣賢會竹林閉戶新詩如潑水可能懸和樂游吟

東坡生日二首

坡老遊仙竟不歸丹青圖畫是耶非清樽赤壁今如昨羽服黃樓古所稀人世南箕多謗議中天北斗自光輝醉呼李委壘長笛更借新聲譜鶴飛

誰與先生證夙因端從佛祖認前身一官遷謫飽山水千首詩歌泣鬼神暮景嶺南歸去好吟魂江上往來頻騷壇萬古齊低首朋酒年年作好春

先太傅批云句調渾成音節諧適

吳竹莊方伯入京
陞見過保定小住紀澤奉大人命考
廢引見與竹莊偕行道呈二律

朝天中道駐雙鳬
騏驥蒼蠺相與俱
入覲各吟魚在藻
承平已見鳳棲梧
兩行綠樹迎征轡
九陌黃塵達帝都
離別苦多歡會少
我歌君合飲千觴

先太傅批云起結均得勢

廿年戎馬知誰健
千古文章有定論
偉績不爲羣謗掩
舊書長擁百城尊
四時花竹三椽屋
萬頃煙波半畝園
他日歸田宜報我
謁公同賞蕙蘭蓀

贈許仙屏

顧菟踐鳥爲底馳紙薦竹馬幾何時眼中重得瞻黃屋鑾上居
然有白絲漫道上林能獻賦且將濁酒共論詩舉觴邀月吾先
醉脫帽簪花君莫疑

疾鷺高騫世已多許俟清福自殊科束身無改圭璋度到處可
爲安樂窩亂石有行成小嶂古槐隨意發奇柯玉皇香案閒無
事一吏翛然近薜蘿

先太傅批束身一聯云二句似山谷

以所箸說文重文本部攷示仙屏

經術君家南閣叟儒生百世不祧宗雕蟲小技曾何補刻鵠粗
成且自封微業豈關塵世事癡心甘作石田農未能徧覆人間

瓶指爪姑畱雪上蹤

登景州開福寺塔贈僧玉安

僧故軍官

龍象不歸檀越散千年闌若久蕭條新墮壞壁安三寶猶牋浮
圖插九霄絕頂欲瞻雙鳳闕層雲正蔽五龍橋怪君不戀封侯
賞輕謝橐鞬事寂寥

九日喜張廉卿至

碧桃成實海爲田一別先生十五年京國雍容寒月夜江湖遡
返暮雲天品高黃菊花爭冷文老丹楓葉喻妍肥遜著書成幾
許開局吾與次韋編

先太傅批品高一聯云句格頗奇

大人巡閱蘇滻紀澤未得隨侍作雙聲詩贈曹鏡初比部
公孤經國固基局鞬筈橐弓韁故京戟閣綸巾觀罰劫錦闕
劍競歌賡旣敎江介燭戈甲更見郊居急稼耕古桂句柂佳菊
皎羹雞膾鱠舉金觥

先太傅批云氣機流動不爲雙聲所縛故可喜

送劉康侯南歸兼示伯固

元方撫劍作雷音哲弟高歌倚素琴德性委蛇垂佩玉丰標凝
重鑄精金五年別子青天遠兩鬢愁余白髮侵佛鉢曇花空一

現枉勞存問意何深

時余有東門吳之戚庶
侯之來慰省其姊也

飄輪激箭注江干握手清溪一笑歡鐙燭共光甯易得尊罍入

手莫辭乾高談往往寒更盡嘉會匆匆好夢闌歸省高堂雙白
髮早憑尺鯉報平安

讀外舅劉霞仙先生尺牘有感

萬里狼烽斂毒煙鄉閭未識中興年無端稅畝同加賦終歲嚴
兵等戍邊駝說養民如種樹聊言治國類烹鮮高風夐絕誰能
賞虛有仁言載簡編

先太傅批云律詩約分句法章法兩種講句法者奇警蘊藉鍼
線滅迹以王摩詰劉文房爲最而少陵集其成講章法者氣
機流動開合自然以劉夢得白樂天爲最而東坡集其成歷
代作者各有偏勝然果能名家則精於句法者未嘗無卷舒

自如之章精於章法者未嘗無雄奇秀絕之句又不可偏廢
也此卷頗講章法體質於劉白大蘇爲近若再能多構傑句
出以醞藉更躋勝境矣十一月二十五日記

歸樸齋詩集目錄

戊集下卷

楊伯昂激雲出示先世書畫冊題二絕句

題陳小峯鑑印存

劉氏山林九首

養晦堂

遂初園

潛樓

玩易閣

繹禮堂

清集

迎薰館

脩篁寮

天游臺

侶鷗亭

王湛園解湘鄉篆回省賦詩贈別

題黃烈女絕命詞後

題張力臣小像卽以志別兼呈郭筠仙丈

別舍弟栗誠二首

七月晦日舟次嘉魚小雨初過無聊就枕夢筠仙丈攜乾
肉一方贈行且曰北風甚烈吾爲若禳之舉扇四搖狂

飄倏轉舟子憚呼瞿然遂醒則賣魚聲誼也詩以紀之

卽次筠丈賜詩原韻

題江夏令王君庭楨忠孝錄後

舟過荻港有感

次韻答湯小秋

舟次高郵答小秋仍用前韻

懷李眉生

雨

別歐陽鑒非

過桃源贈湯慎台兼示小秋

八月廿七夜宿桃源縣之眾興集夢入 觀後授職都司
交李伯相差遣出都門作詩一章覺後忘末二句乃續
成之

墨

雙聲詩

題郭子美軍門思親釋甲圖

送李幼梅

柬劉伯固康侯兄弟

叔母熊伯夫人輓詞三章

送饒雲卿之汴梁

題翁仲芳所藏明人書冊

桂

五月五日簰洲阻風示靜臣弟

將至蘇州訪李香嚴先投以詩

東蕭靡雨

過天津謁合肥相國作一律東吳擊雨

上廩毅伯李相公

立秋後二日舟中作

送張魯生奉使日本

送陳荔秋太常使西班牙諸國

送王霞軒觀察之官安肅道

壽教庚渠先生

中秋懷黎蒼齋

次韻答吳桐雲

附錄原唱

疊前韻再柬桐雲兼示舍弟栗誠

有感而作仍疊前韻

四疊前韻送勑悟九廉訪之官江蘇

酒樓小飲席閒放言疊前韻

疊前韻寄懷郭筠仙丈

疊前韻壽周若農丈

潘伯寅侍郎招飲歸途得一律兼呈張薌陶太史

遇荇農丈縱談言伯寅劬學好賢似儀徵相國更賦一章
周荇農丈得工細山水橫幅八卷分題四卷各得一絕

題周荇農丈思益堂詩集四首

送黃漢仙駕部入蜀二首

題莊毅公塔斯哈暨其子武壯公長瑞勤勇公長壽三傳
後

題荇農丈所藏應山楊忠烈公尺牘墨蹟卷後

前詩意有未盡復成五絕句

以舊作雜文示張薌陶太史賦呈一律

與鄉陶論春秋三傳微有駁議又作一首

次韻答湯小秋

寄懷王叶亭表弟

題裕時卿方伯堵雲圖小像

題白蘭岩年丈所藏錢竹初湘江攬勝圖

題白蘭岩年丈畫石

爲梁曦初侍御題張君度山水直幅

爲曠初題曹次岳山水直幅

歸樸齋詩鈔戊集下

湘鄉曾紀澤勘刪署

楊伯昂激雲出示先世書畫冊題二絕句

羲獻聲名亦偶然臨池辛苦幾人傳
標綈不壞精神在搃底龍蛇盡得仙

徐渭丹青絕世無香莊妙筆具前模多年歷盡紅羊劫畱得瀟
湘嶽麓圖

題陳小峯鑑印存

故老風流陳一峯鍊成寸鐵斫蛟龍有兒紹業爲弓冶神似人
間黃小松

劉氏山林九首

養晦堂

孔翠崔羅悔羽翰鸞皇軒翥出雲端高山流水都成操不遇鍾期莫與彈

遂初園

夷惠脩身都有道禹顏易地將母同種花晴昊分秧雨盡在先生杖履中

潛樓

危樓特立俯千峯放眼有時觀萬里黃霧繙塵埽不空世人那得窺吾美

玩易閣

上聖庖犧不可知近從姬孔認吾師留情未鑿中央帝任爾亡
羊相背馳

繹禮堂

微觀尊彝列兩楹頗聞簫管鳳鳴聲須臾明月照虛室滿几韋
編一短檠

迎薰館

牕外榴花著意妍繞園深樹亂鳴蟬農歌村笛饒天趣那在瑤

琴學五絃

脩篁察

擇地依山便築亭畱心護筍都成竹時聞幽鳥促花開更有和
風吹酒熟一

天游臺

後簷榆柳前桃李早綠芭蕉晚赤楓上有高臺兩道友雲將雀
躍遇鴻濛

侶鶠亭

生兒專令勤南畝家有千金享敝帚避世恰非嚴子陵匡時且
付磻谿叟

王溝園解湘鄉篆回省賦詩贈別

江夏黃童不可雙豐碑騰燄照奔瀧長留浩氣干虹蜺
五 結 晚

見賢侯紹駿厖雷電施仁同雨露蕭蓬從古如蘭芷如何聚籥
錦芻狗颯颯西風促客艤

題黃烈女絕命詞後

當年劫火正燒天碧血丹心半不傳苦節涙沈隨逝水伊人智
略邁羣妍謝娥有術誅申氏媯覽無門召戴員形管若增閨秀
傳先披劍俠續新篇

題張力臣小像卽以志別兼呈郭筠仙丈

汨羅江亦洞庭源中有佳人我所慕北極霑恩曾震震南箕騰
謗任鬱喧驪駒萬里神明屬嚙鳥三年笑語溫待報蕭朱眞結
綬可能降志就高軒

臺澎三古宅狼羆 聖代文明漸海隅
脫從今非隙地矢光何日耀威弧
聞君頗解狄鞮語昔我曾披王會
圖學博各宜甘豹隱技成莫幸有龍屠

先子神交不數人東南竹箭美霜筠
與君道義詩書好匪獨粉榆里閈親宦海人間原浩渺卿雲天上自輪囷
流分清濁從來忌端賴林宗護薦紳

顧兔踐烏不可羈秋風容易別離時
雕蟲篆刻且相贈神馬尻輪方自茲
蕉葉輸君終日坐杏花約我仲春期歸來
更賞繫園景也洗緇塵情畫師

別舍弟栗誠二首

天教法護劇奔馳卻放僧彌盡孝慈棧豆羈身容可免
觚棱泥首未宜遲夜牀風雨相要約春草池塘起夢思待祝萱堂千萬壽與君同賦碧桃詩

江漢淮河路正賒秋風尼我洞庭槎家園粗糲良多味人世波瀾信未涯寄子新詩歌墜雨羨君長嘯醉流霞蠟梅腮外勤澆水看放歸時滿樹花

七月晦日舟次嘉魚小雨初過無聊就枕夢筠仙丈攜乾肉一方贈行且曰北風甚烈吾爲若禳之舉扇四搖狂飄倏轉舟子懼呼瞿然遂醒則賣魚聲謳也詩以紀之
卽次筠丈賜詩原韻

詩禮無由更過庭輕將薄植貢
王廷孤舟又渡重湖碧人世
知逢幾眼青海國謀侵荒服地天山
詔起少微星公來我去了
緇塵裏魏照何年再執經

長江千里葦杭通乍斂炎威細雨濛
新月幾時來作伴醇醪破寂近無功
夢中叨賜牛心炙
挽底爲迴鶴首風覺後高歌誰見
賞綠瞳丹臉一漁翁

題江夏令王君庭楨忠孝錄後

人生臧穀等亡羊知命隨時有吉祥
一夜旌幢都改色千秋日
月與爭光雲連楚尾吳頭黯江共丹心
碧血長節行襄崇兩奇絕
後賢吟嘯空蒼茫

舟過狄港有感

夜御飛輪涉激湍白雲何處問劉安亂飄木葉商飄急忽浸牕
櫺素魄寒唱些招魂煙水渺期君入夢海天寬長鯨永逝無消
息萬象蒼茫孰一搏

次韻答湯小秋

蒹葭秋水見伊人贈我琅玕錦繡珍丹桂綻金三五節赤楓流
火九重宸干時頗恥言爲律歸隱還期友輔仁廉吏可爲優孟
在郤慙公姓未振振

舟次高郵答小秋仍用前韻

阿閣鳩皇曠代珍高門幾見鳳毛振漫言小范承勛闕正愧恬

侯侍 帝宸陳軫應容無事飲孝章空說有名人長虹貫月今
如昨且學滄江米友仁

懷李眉生

牙檣颺迅三千里心緒纏迴十二時自有先疇鄰碧水卻承助
蔭拜 形墀卿雲甘露時方泰流徵清商和者誰鉛槧縱橫天
所與胥臺一客是吾師

雨

少年驅邁俯羣流意氣軒昂隘九州豕異遼東甯可獻馬空冀
北抑誰求舟行頻日風連雨心病經時夏復秋鳴鳳在罔魚在
渚庸凡宜得早歸休

別歐陽鑒非

湛盧出手膽長鯨一艦乘風定百城句當江南歸衽席經營淮北又聲名漕河鷁首行相接斥堠狼烽晏不驚鶩谷三年重握手怪君被服益儒生

奔世交親石比堅馬登車笠在前篇林園鶴靜從吾嬾風雨雞鳴念子賢欲賦南陔供菽水待平東海作桑田龍蛇落紙雲煙起爲祝靈椿千萬年

過桃源贈湯慎台兼示小秋

門外驪駒聽我歌歡悰吾憶上新河棋雖成癖心機淺酒不能酣毋戰多三載班荆重會合二毛發鬢各蹉跎梅花開放君相

候更作雲光電影過

八月廿七夜宿桃源縣之眾興集夢入觀後授職都司
交李伯相差遣出都門作詩一章覺後忘末二句乃續
成之

撲面緇塵同霧塞回頭黃屋已雲封揮毫曾賦能言鳥學射新
師獨眼龍狗曲談經成底用魚門懸胄若爲容馬曹不稱參軍
職守拙歸尋七二峰

墨

九流三教日相過善晦無嫌技術多濁石稜稜坑塹密此生經
得幾回磨

雙聲詩

朗吟瀏亮棟林鶯荔繚簾櫳柳掠籬縷兩聯藍蘿絡

深妻先
碑麗

格大布之衣玲瓏六縉綠瑠璃欄廊列簾留菱栗鄰里臨樓斂李梨

醞釀累蠶涼漸冽連罍屢漉爛淋漓

荷褐號寒換貉狐環鑄沉澑合餽餉奚鬟澣穀懷槐桁巷戶行
殼瓢瓠壺橫翻皓鵬還迴峽回翰黃鶴下洪湖賢豪閒銜立鴻
話東坡在武昌西山亭見題壁句云立鵠橫號黃櫞峴因爲對云
皓鵠下浣紅荷湖今刻本皆作下浴對不明雙聲者所改也後學何
嫌和謳乎

題郭子美軍門思親釋甲圖

吳楚燕齊百戰餘北堂華髮倚門閭秋風吹攬尊羹思歸飽重

湖縮項魚

綸綺從天本至公屏居大樹不言功白華朱萼笙詩奏歡勝同袍五等崇

帕首鞬刀兩目瞋翛然被服易儒巾甘泉圖畫闕氏像先繪麒麟閣上人

與君異姓爲昆弟樂敘天倫事已非崇德加餐交勸勉後車明月借前輝

送李幼梅

鑄鼎荆山地作湖鳥號不墮返威弧縱無上壽符三祝已顯神功奠九區嗣聖重禋輝帝座敷天八表仰皇圖垂簾詔下神

人悅復旦光華萬象臻

翔鷗健翮欲摩天瀛海瓊筵遲列仙盛世三靈照紫極宏才萬
中仗青錢勳名鐘鼎承鴻緒文藻江山啓象賢更欲期君千載
業早收魚兔棄蹄筌

柬劉伯固康侯兄弟

鄉間春氣暖二月已聞蟬繞屋桃如火環塘柳作棉荷君治舊
圃催我買歸船四海九州事蒼茫莫問天

仲寬風雅士志趣一何奇誰與窺琴旨年來隱畫師蛩聲無聞
苑奮翅欲天池去寫西湖勝因風爲我貽

一 叔母熊伯夫人輓詞三章

天闕陰雲重星光寶婺沈乾坤一彈指家國四傷心鳥語春歸早
鼉更夜坐深湘靈迎翟茀五日釀愁霖

黃絹綰雙龍 絲綸下九重兩河新奉使五等舊分封任子隨
趙 陸郎官習折衝繁花正晴昊鸞鶴渺仙蹤

雙桂發華滋僧彌亦白眉慰君苞杞惄增我蓼莪悲素韻傷猶
子青眸荷曲慈濁醪不成奠墮淚已盈卮

送饒雲卿之汴梁

江頭習習動南薰鷁首微旛五色文良驥貴能霑赤汗翔鼯自
足致青雲安排日月甘聞局整頓乾坤仗舊勳三豐陽關梅子
熟齊執爲汝息炎氛

題聶仲芳所藏明人書冊

鐘鼎山林各有名一天清露萬花英且將南雪樓頭月移向嶽
雲齋上明

桂

白雲東去雁南飛秋滿園林花事微收拾眾香成一界超離百
卉不同脾疎枝未礙銀盤照勻幹無煩玉斧揮散盡黃金清骨
在更借松檜敵霜威

五月五日蘚洲阻風示靜臣弟

節序雕弧送僕姑鬢毛飛雪入鬚須扁舟饌具角生黍野岸人
家門插蒲美玉憐君藏韜櫨祥金譏我躍洪鑪閒愁萬種棼無

緒更念三閭屈大夫

將至蘇州訪李香嚴先投以詩

連宵好夢在瞿園盤琰縱橫笑語溫打鼓發船驚我覺揮毫落紙與君言雲迷大澤龍蛇蟄日冷高門燕雀喧牘有談鋒健猶昔各疏黃濟辨清渾

東蕭廉甫

黃河易塞山能移過隙駒光不可追薄霧何曾饒鈍眼飛霜漸復上新巒谷中嚶鳥纔成什門外驪駒又入詩各有青雲宜努力非從宦海問津涯

過天津謁合肥相國作一律東吳擊甫

石城一別經七年喜接芳塵歇浦前令子璠璵原國器先
師宰木已新阡多君頗擅西來法此去重瞻北極天舊德
新恩知不忝那誇博望有張騫

疊前韻再柬桐雲兼示舍弟栗誠

禮悟尊彝始製年詩通箋傳未成前過庭曾授經盈笥述德無
須表在阡新挾金城十二策晨朝玉闕九重天蓬萊縱有通
幽徑欲往從之馬腹騫

有感而作仍疊前韻

夢逢仙伯與疑年生在義皇御極前姑射爲山初覆實藍田種
玉未開阡學徒分布瀛洲島謫降猶居兜率天試問金丹更無

訣長吟永嘯已騰騫

四疊前韻送勑悟九廉訪之官江蘇

翰墨聲名四十年縱橫文陣往無前渥承湛露頽綸綺廣沛
甘霖慰陌阡南下漕河千里水東臨吳會九秋天先君直諒多
聞友可有箴言策跋騫

酒樓小飲席閒放言疊前韻

浪得才名亦有年恥居王後愧盧前文壇微轍走鵝鶴經訓蓄
奮開陌阡偶和陽春歌白雪欲邀明月問青天鶴鳴清越同鸞
曠肯共羣飛爭沓騫

疊前韻寄懷郭筠仙丈

醴泉甘露中興年象笏鸞旛 便殿前長府自應仍舊貫井田
誰敢議新阡人生毀譽亦由命世事乘除休問天但信唐虞登
稷契莫疑陳蔡困淵鬻

疊韻賀壽周芳農丈

蓬闈脩真忘歲年丹成班列松喬前心地吉祥白生室硯田腴
潤青滿阡諸佛三世證夙果文昌六星麗中天東海栽桑復栽
竹南山不刪亦不撫

潘伯寅侍郎招飲歸途得一律兼呈張薌陶太史

碧水澄懷玉立身梧觴豪舉笑談真時聞石破天驚語喜對塵
空眼淨人日暖難融簪上雪壺乾且灑雙頭春據梧枝策不成

鑒昭氏鼓琴誰與論

過若農丈縱談言伯實劬學好賢似儀徵相國更賦一章
出持旌節入綸屏宏獎英奇服所歸滂喜齋中新氣象擎經室
裏舊風徽封章薦士豈求賞戡亂成功甘息機正是繁花晴昊
日松筠漸恐與時違

周若農丈得工細山水橫幅八卷分題四卷各得一絕

曲澗通湖一鏡平陰雲欲散月初明夜深不問船多少臥數洲
前柔艣聲

不露千山點綴玉平鋪玉屑掩青葱梅花欲得清新句故向寒
雲深處紅

泉聲遠近成宮徵雲氣陰晴雜往還卜築幽林朋輩少招邀松

檜伴秋山

開簾除卻舊書廚根福軒中一物無窗上吉祥雲擁護爲藏福
海壽山圖

題周若農丈思益堂詩集四首

木落蛩吟悲晚秋荒園茆舍小於舟貪從蟬蠹爭餘味癡就蟲
魚策遠猷僕睡強留燈作伴歲飢行借斛量愁鍵門研誦濂溪
集一灑煩襟豁倦眸

卿雲五色神鸞迴太華三峯秋隼翔名世文章多絳爛昂霄風
骨自雄豪雌黃騰謗南箕翕清白揚輝北斗高燒取一編和蜜

飲勉收凡卉續離騷

圖籍縱橫酒殘深興酣撫劍作雷音何堪大廈棟梁任自保歲
寒松柏心史氏貴兼才學識釋家常說去來今夙因不證蓬瀛
果卻對天仙放浪吟

先子騷壇建鼓旗涪翁奇拙是嚴師不敏請事斯語矣下士聞
道大笑之時論尊唐常抑宋吾生承治不爲箕舍南署榜稱雙
井欲向東坡乞小詩

送黃漢仙駕部入蜀二首

橫說詩書從六弢豈徒文采冠吾曹醉攜尊酒邀明月夢席天
風捲怒濤奮奮翅縑塵黃霧表昂頭玉壘石門高籌邊樓在風流

歇新葺椽蔓待雋髦

先子星輶駐桂湖酒闌題句示新都蜀山秦樹自朝暮竹竦楓
鴟今有無轍跡所畱雲在眼弓裘未紹雪盈顧他時秋水荷花

候君與描傳粉本圖

先太傅於道光癸卯典試四川過新都桂湖楊升庵修撰故宅題詩五首有句云翠竹侵寒蠅丹楓噪暮鴟又作檄瞬云五千里秦

樹蜀山我原過客一萬頃荷花秋水中有詩人○轍跡一瞬初稿作三十年來渝海變五千里外白雲孤又改作遺集崑崙存片玉深情赤水鑒立珠周自庵丈爲易之云經守晏極慚舊鑒詩從涪老索前題韻勝情長非吾所及不敢
懷爲已有爰師其意更綴二語也

題莊毅公塔斯哈暨其子武壯公長瑞勤勇公長壽三傳

後

驚砂入漠馳回鶻勁翮空挫怒鵠殘月五更星暎暎寒風萬里雪稜稜絲綸帝闕恩波遠旌旆天衢瑞氣凝苜蓿莊名千

古在史編騰燄照青燈

西塞威名不可磨南征風節又巍峨三銘衣帶成仁贊雙奏壠
麓正氣歌忠裔旌忠天所憫將門出將理無訛文家賦轍承明
允贏得斜川振玉珂

題荅農丈所藏應山楊忠烈公尺牘墨蹟卷後

騷些賡酬楚水濱後塵踵武得芳鄰六經羽翼三成札萬古綱
常一致身至大至剛天地塞曰貞曰悔水雷屯衢霄碧血凝霜
雪鶴鳩哀鳴草不春

前詩意有未盡復成五絕句

五夜騰輝照碧空
搏桑萬葉射雙瞳
當時昏暗無天日
光斂忠

臣翰墨中

羣小何能尼薦紳鸞皇往往因荆榛化工作意維名教故遺煩冤閉九闕

控鶴驂鸞事有無眞靈位業別成圖神仙自與天同老不藉丹砂入藥鑪

北風雲漢畫中景流水高山琴上音勝國留遺忠義蹟感人猶有淚霑襟

根福軒中萬寶羅日馴孔翠狎蛟鼈鯊生迂議編籤軸此卷應班最上科

以舊作雜文示張鄉陶太史賦呈一律

硯田無穫不甘貧筆陣猶思鼓兩甄與管說天蠶說海學雷鳴
夏鳥鳴春多君直諒信吾友希古文章誰與倫墮壞百搏終苦
窳媿無董埴問陶釣

與鄉陶論春秋三傳微有駁議又作一首

湘綺樓中經學昌頗譏盲左右公羊一辭游夏猶難贊三氏春
秋各有長墨守本無堅壁壘丹成不愈舊膏肓數端疑義傳千
古待質君家丞相蒼

次韻答湯小秋

巷尾蝸廬小似舟落楓殘菊送三秋苦遭黃霧縞塵涴回憶清
谿白石游炙轢萬言傾笑語盍簪幾日縱觥籌雄談驚座吾能

和俊句宜人子獨優

久從猿鶴陟屏顏忽逐鶴鷺點末班世變無窮天海表詩情常
在水雲間醉歌新曲玉連瑣門薰沈香金博山更向梅花尋好
句篇成郵寄秣陵闌

寄懷王叶亭表弟

童稚親朋四海分王生差足張吾軍江干把酒三更月天末懷
人萬里雲十載蟄龍同蠖屈一飛孤鶴出雞羣甘涼自古功名
地崇德加餐兩勸君

題裕時卿方伯堵雲圖小像

衡嶽撐天七二峯使星曾照碧芙蓉畫師解識因緣偈蒼白雲

間狀曳筇

神清骨重地行仙，妙筆難從蠟展傳。
會布祥雲符眾望，半爲甘雨半晴煙。

題白蘭岩年丈所藏錢竹初湘江攬勝圖

組繹珪分不繫留洞庭，青草一扁舟。
長流膏澤在輿誦，稍挈林巒供臥遊。
翰墨有緣天所與，江山無盡筆難收。
春風也攬尊，蘆思展卷爲公詠。九秋。

題白蘭岩年丈畫石

南岩清趣勝，南阜各寫鑑峯。
一段雲自有，神工通肸蠁。
人間俗筆徒紛紜，蓬萊三島海天表。
嶽麓千秋湘水濱，更盡蟻醅吞腐。

墨揮豪爲我灑炎氛

爲梁曠初侍御題張君度山水直幅

我家漣水入湘川疊嶂攢峰擁數椽三徑壺觴成契闊九衢輿蓋逐喧闐緬懷寫月圖雲筆小結樵林釣澤緣執卷還君入行篋長途晴靄起非煙

爲曠初題曹次岳山水直幅

畫馬將軍魏武孫秋崖異術亦同源試從明媚窺雄健那有時賢鏤刻痕

庸俗解師玄宰翁誰從象外得神工奇珍艷麗難爲贗別有清華射兩瞳

海上蓬壺金碧暉青葱杳靄是耶非征飄去歷東瀛道不藉新
圖狀翠微